

HO TOBANA LE KGETHOLLO YA MERABE TSE LESHOME TSA DINTHO TSEO O KA DI ETSANG KA KARISIMA

"Re lokela ho ba le dipuisano tse tsitsitseng hodima kgethollo le matshwao a yona e le hore re tsebe ho rarolla bothata ba kgethollo ka merabe le karohano e bakwang ke kgethollo ena naheng ya rona". (Lengolo la Bodisa la SACBC ka kgethollano ya merabe).

Ka 2016, baBishopo ba rona baile ba fana ka lengolo la Bodisa ka kgethollo ya merabe le karohano tse bakwang ke kgethollo ena. Lengolong lena, baBishopo baile ba re qholotsa re le balatedi baKrisite, ho Kenya letsoho mosebetsing wa ho fedisa kgethollo ya merabe le ho kgothalletsa poelano ya merabe Afrika Borwa.

Re nkile melaetsa e fapa-fapaneng e tswang lengolong la Bodisa mme ra le fetolela mesebetsing ena e leshome eo re ka e etsang jwaloka karolo ya boitimo ba rona ba Karisima.

1. Etsa setswalle le batho ba merabe e fapaneng, mmala le botjhaba bo fapaneng. Nakong ya Karisima selemong sena, etsa setswalle se secha bonyane le motho a lemong wa morabe o fapaneng, mmala le setjhaba se fapaneng. Hopola hore "re lokela ho qoba ho rata batho batshwanang le rona feela. Ha re rata feela ba arolelanang mmala le morabe le rona, re haellwa ke ho phethahatsa ditlhoko tsa lerato tseo Evangedi e re batlang tsona. Mantswe a Morena waro na a re qholotsa hore haeba re dumedisa bana ba borona feela, "ho na le dintho tse ding tseo o di etsang ho feta ba bang? Na bao e seng balumedi ha ba etse se tshwanang?" Matheu 5:47 (Lengolo la SACBC la khethollo ya merabe).
2. Labohlano le leng le le leng, re rapele ho kopa Modimo ho phecola le ho fetola dikamano tse thata tsa morabe naheng ya ha borona. Le ka etsa sena le le lelapa, parishe, le le kopano, le le, Kopano ya Baitlami, hape e le sehlopha sa dibini / batjha. Hopola hore "Mosebetsi wa poelano ... o hloka phadimeho le thapelo e matla ho emong le emong" (Lengolo la SACBC la Bodisa hodima kgethollo ya merabe).
3. Kōpa tshwarelo ka ho iphapanyetsa kgethollo ya morabe ka ho wena esita le tsamaisong. Karisimeng ya selemo sena, bonnyane kopa tshwarelo ho motho a lemong ya bileng lehlasi la puo tsa hao tsa kgethollo ka merabe, meswaso ya khethollo le boitshwaro ba kgethollo ya merabe. Latela mohlala wa baBishopo ba rona bakileng ba kōpa tshwarelo. "Ka boikokobetso, jwalo ka Mohalaledi Petrose ya ileng a ipolela, rona badisa ba lona re kgumame ka pel'a Molimo le ka pel'a bohle ba mahlomoleng, re kopa tshwarelo bakeng sa ho iphapanyetsa kgethollo ya merabe ka nako e telele Kerekeng." (Lengolo la SACBC la Bodisa mabapi le khethollo ya merabe).
4. Sebetsana le di kahlolwana le leeme tsa hao. Ela hloko dikahlolo tseo o di bolokileng ka ho wena kgahlanong le batho ba morabe, mmala le botjhaba bo fapaneng le ba hao. Nena kgopolo tseshebang ba ba bang ka leihlo le ba ahlotseng baeso e tlhalose. Karisimeng ya selemong sena, ak'u ahlole motho o itshitlehile ka moo o mobonang kapa o mo tsebang kateng, eseng katsela eo o nahanang kapa o dumelang hore batho ba sehlopha se itseng (sehlopha sa mmala, morabe kapa botjhaba) se itshwara ka teng.

5. Ema o tiye. O se ke wa khutsa. Ho khutsa ke ho iphapanya. Karisimeng ya selemo sena, bua le ho phephetsa bonyane motho a lemong ya buang dipolelo tsa khethollo ka merabe, meswaso ya kgethollo ka merabe ka hara lelapa, mosebetsing, dikopanong tsa Baitlami, sekolong, marang-rang a tsa dikgokahanyo le parisheng.
6. Hlokomela le ho hanela ditsamaiso tsa kgethollo ka morabe. Qala moqoqo lelapeng la hao ka "morabe, matla le monyetla" (lengolo la SACBC la Bodisa ka kgethollo ya merabe). Botsisisa menyetla, ho kenyeletsa le ya hao. Ema "kgahlanong le ho se lekane moruong ho teng setjhabeng sa rona ka lebaka la melao le mekgwa ya kgethollo ya merabe" (SACBC lengolo la Bodisa mabapi le kgethollo ka merabe).
7. Metseng ya mahaeng moo ho nang le mapolasi a kgwebo, sebetsa le bamerabe e satshwaneng ho lwantshana le mathata a latelang: ho bolawa ha balemi ba makhowa, hammoho le maemo a seng matle a bodulo le tshebetso a basebetsi ba batsho.
8. Amohela Sakramente ya Poelano bonyane hanngwe nakong ya Karisima. Baka mme u kōpe tshwaarelo ya Molimo bakeng sa ho iphapanyetsa kgethollo ka merabe le dikarohano tsa merabe; Hopola hore "ha o ntse o fihlella, le ho buisana ka bolokolohi le ka botshepehi le babang, sakramente ya poelano e ba yona e bohlokwa ka mokgwa o kgethehileng hobane ka yona re tla ka boetsadibe ba rona ho Ntat'a rōna ya mohau bakeng sa pholiso le tshwarelo" (Lengolo la SACBC la Bodisa ka khethollo ya merabe) .
9. Nka karolo bonyane puisanong e le 'ngwe ya kgethollo ka morabe. Etsa bonnete ba hore setjhabana sa tumelo sa bakriste, parishe, phutheho, mokgatlo, sehlopha sa dibini/sehlopha sa batjha, ba hlophisa bonyane puisano e le ngwe ya sehlopha ka kgethollo ka morabe. "Rea elellwa hore sena ha se moqoqo o bonolo, ke moqoqo kapa puisano eo bongata ba rōna re ka kgethang ho e qoba. Memo ea rona puisanong ya mofuta ona, ka bo yona e kanna ya hlahisa maikutlo a mangata, ho kenyeletsa ho itokafatsa le maikutlo a hore ke lokile; kapa, molato le ho hana; ka lehlakoreng le leng, maikutlo a kgalefo le maswabi. Puisano, e utlwahalang le e nang le hlompho, ke ya bohlokwa e le hore re ipulele ho amohela phodiso ya Modimo. "(lengolo la SACBC la Bodisa ka khethollo ya merabe).
10. E-ba mohahi wa borokgo parisheng ya heno, motsaneng wa heno, mosebetsing. Moo ho nang le dikarohano tse thehiloeng khethollo ka mmala, merabe le botjhaba, ema o nke karolo ya ho kena dipakeng. Haha marokgo a tshepo le mamellano. Senya marako a tshabo le kgalefo. Hopola hore **"Ho lehlohonolo ba bopang kgotso, hobane ba tla bitswa bana ba Modimo"** (Mattheu 5: 9). Boiteko ba ho boelana ha merabe diphuthehong tsa rona, dibakeng tsa mosebetsi le setjhabeng, bo lokela ho ahwa molemong wa ho tsosolosa tshepo le toka. Ba lokela ho batla "ho fokotsa tshabo e sa tsejweng le ho kgothaletsa toka" (Lengolo la SACBC la Bodisa ka khethollo ya merabe).

"Ka ho keteka ha rona Eukariste, letshwao la bonngwe mmeleng wa Kriste, re kopa Morena ho re folisa le ho fetola dikamano tsa sedika le dipharishe tsa rona e le hore re be setjhaba sa tumelo moo ho seng" Mojuda kapa Baditjhaba " , lekgoba kapa molokolohi, e motona kapa e motshehadi. "(Bagalata 3:28)" (lengolo laSACBC la Bodisa ka khethollo ka merabe).

E se eka Karisima ya selemong sena e ka tebisa kopano ya rona le Kriste ya thakgisitsweng ya tsholotseng madi a hae ho lopolla batho bohle.

" E se eka Modimo wa kgotso a ka neha setjhaba sa rona kgotso,le phodiso le poelano eo re e hlokang. (cf. 2 Th. 3.16)" (SACBC lengolo la Bodisa ka khethollo ka merabe).